

- 60 Bæjarstjórn er heimilt að hækka eða lækka gjöld, sem ákveðin eru í I. kafla
4. maí þessarar gjaldskrár, um allt að 20%, án sérstakrar staðfestingar ráðuneytisins, enda sé breytingin auglýst í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi felld gjaldskrá fyrir Rafveitu Akraness, nr. 60 10. apríl 1948.

Atvinnumálaráðuneytið, 4. maí 1951.

Hermann Jónasson.

Þorv. K. Þorsteinsson.

REGLUGERÐ

um héraðsskjalasöfn.

61
5. maí

1. gr.

Héraðsskjalasöfn, sem hlotið hafa viðurkenningu þjóðskjalavarðar, eiga rétt á að fá til varðveislu skjöl og bækur frá embættum og stofnunum, sem hafa afmarkað starfssvið og starfa eingöngu innan þeirra sýslna eða þess kaupstaðar, sem héraðsskjalasafnið tekur til samkvæmt samþykktum, sem um það gilda og lög ákveða. Enn fremur á héraðsskjalasafn rétt á að fá með sama hætti skjalleg gögn félaga, sem njóta styrks af opinberu fé og starfa eingöngu innan þeirra endimarkna, sem safnið tekur til.

2. gr.

Í héraðsskjalasöfnum skal geyma skjöl og bækur þeirra embætta, stofnana og félaga, er nú greinir:

1. Skjalasöfn hreppstjóra,
2. — sáttanefnda,
3. — hreppsnefnda,
4. — sýslunefnda,
5. — bæjarstjórna,
6. — bæjar-, sýslu- eða hreppsyrirtækja,
7. — forðagæzlumanna,
8. — yfirskattanefnda,
9. — undirskattanefnda,
10. — undirfasteignamatsefnda (svo og aukamöt fasteigna),
11. — skólanefnda,
12. — barnaverndarnefnda,
13. — héraðsfunda,
14. — sóknarnefnda,
15. — sjúkrasamlaga,
16. — búnaðarsambanda,
17. — ræktunarsambanda,
18. — hreppabúnaðarfélaga,
19. — búfjárræktarfélaga,
20. — skógræktarfélaga,
21. — ungmennafélaga og íþróttafélaga,
22. — lestrarfélaga og annarra menningarfélaga.

Nú skipa bæjarstjórnir, sýslunefndir, hreppsnefndir, héraðsfundir eða sóknar- 61
nefndir trúnaðarmenn eða nefndir, sem ekki er getið í þessari upptalningu, og 5. maí
eru öll skjalagögn slíkra trúnaðarmanna eða nefnda afhendingarskyld til héraðs-
skjalasafns.

Séu manntöl, sem tekin eru að tilhlutun bæjarstjórna, fjölrituð, skal senda
Þjóðskjalasafninu eitt eintak án endurgjalds.

Nú ris ágreiningur um, hvort skjalagögn embættis, stofnunar eða félags séu
afhendingarskyld til héraðsskjalasafns eða eigi, og sker þá menntamálaráðu-
neytið úr.

Um það, hversu langt árabíl afhendingarskyldir aðilar mega geyma skjalagögn
í eigin vörzlu o. s. frv., gilda sömu ákvæði sem um afhendingarskyldu til Þjóð-
skjalasafns, sbr. reglugerð þess nr. 5/1916. Þó skal afhenda héraðsskjalasafni kirkju-
og manntalsbækur sókna, þegar þær eru fullskrifaðar og aldrei síðar en 50 árum
eftir löggildingu bókanna.

3. gr.

Sýslunefnd (sýslunefndir) eða bæjarstjórn ræður forstöðumann héraðsskjala-
safns. Hann hefur á hendi stjórn safnsins undir yfirumsjón þjóðskjalavarðar.

4. gr.

Forstöðumaður héraðsskjalasafns annast innheimtu þeirra skjalagagna, sem
það á rétt á að fá til varðveislu samkvæmt þessari reglugerð og gildandi lögum.

Forstöðumaður skal gæta þess, að safnið sé jafnan í svo góðu skipulagi, sem
auðið er, og semja skrár yfir skjöl og bækur, sem í því eru. Hann skal halda að-
fangabók og skrá í hana öll skjalagögn jafnóðum og þau berast safninu. Um hver
áramót skal hann gefa þjóðskjalaverði skýrslu um það, sem bæzt hefur í skjala-
safnið á liðnu ári, svo og um skráningu skjalagagna og annað, sem þjóðskjalavörður
kann að óska vitneskju um eða ástæða er til að taka fram um safnið.

5. gr.

Forstöðumaður skal gæta þess, að alls ekki sé farið með ljós eða eld um skjala-
geymslu né lestrarsal safnsins. Hann skal og vendilega gæta þess, að gestir safnsins
fari á allan hátt vel með skjöl þau og bækur er þeir nota. Þeim er óheimilt að
brjóta blað, skrifa eða strika eða gera nokkur merki í skjölin eða bækurnar. Þeim,
sem brjóta þessar reglur má tafarlaust banna aðgang að safninu.

6. gr.

Forstöðumaður skal ganga ríkt eftir því, að skjölum, bókum eða öðrum mun-
um, sem kunna að berast burt úr safninu, en eru réttmæt eign þess, verði skilað
þangað aftur, sbr. 8. gr.

7. gr.

Héraðsskjalasafn skal vera opið almenningi til afnota eigi skemur en sex
klukkustundir á viku.

Heimilt er forstöðumanni að banna gestum safnsins afnot skjalagagna, eink-
um nýrra, ef hann telur það heppilegt vegna efnis þess, er þau hafa að geyma.
Sætti þeir sig ekki við slíkt bann forstöðumanns, má vísa málinu til þjóðskjala-
varðar. Ekki má synja embættismönnum eða opinberum stofnunum um afnot skjala
í þágu embættis eða stofnunar.

8. gr.

Óheimilt er með öllu að lána skjöl eða bækur út úr safninu, nema til afnota
í öðrum skjalasöfnum landsins eða opinberum bókasöfnum, og þá gegn skriflegri

61 yfirlýsingu hlutaðeigandi forstöðumanns um það, að hann taki ábyrgð á meðferð 5. maí skjalanna og skilum þeirra innan ákveðins tíma.

9. gr.

Brot gegn fyrirmælum reglugerðar þessarar skulu sæta meðferð opinberra mála og varða allt að 10 þúsund króna sekt, nema þyngri refsing liggji við að lögum.

Reglugerð þessi, sem sett er samkvæmt lögum nr. 7/1947, um héraðsskjalasöfn, öðlast þegar gildi.

Í menntamálaráðuneytinu, 5. maí 1951.

Björn Ólafsson.

Birgir Thorlacius.

62
7. maí

SAMÞYKKT

fyrir Veðifélag Bjarnarfjarðarár.

1. gr.

Félagið heitir Veðifélag Bjarnarfjarðarár. Heimili þess og varnarþing er í Kaldrananesi, Kaldrananeshreppi.

2. gr.

Verkefni félagsins eru að auka fiskigengd á félagssvæðinu með þeim ráðum, sem henta á hverjum tíma, að vinna að viðhaldi góðrar fiskgengdar á vatnasvæðinu og að leigja veiðisvæðið til stangaveiði.

3. gr.

Félagið nær til allra jarða, sem land eiga að Bjarnarfjarðará, en þær eru: Goðdalur, Sunddalur, Skarð, Svanshóll, Oddi, Hvammur, Bakki, Klúka, Ásmundar-nes og Kaldrananes.

4. gr.

Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki, og með hvaða kjörum leyfið er veitt.

5. gr.

Heimilt er félagsstjórninni að leigja veiði á félagssvæðinu einstökum mönnum eða félögum. Þó má slíkt leyfi ekki vera nema til eins árs í senn, nema lögmætur fundur samþykki og tekið hafi verið fram í fundarboði, að slíkt veiðileyfi verði til umræðu.

6. gr.

Stjórn félagsins skipa þrír menn, formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig, að formaður gengur út eftir eitt ár, annar meðstjórnandinn eftir tvö ár, og hinn eftir þrjú ár, og helzt svo sama röðin áfram. Enginn atkvæðisbær félagsmaður getur skorast undan endurkosningu, nema sérstök forföll hamli, eða að hann hafi verið í þrjú ár í stjórn. Kjósa skal tvo varamenn og tvo endurskoðendur til tveggja ára í senn, þannig að annar varamaðurinn og annar endurskoðandinn gangi út annað árið, en hinir hitt árið.